

Saksprotokoll i Ungdommens fylkesutval - 17.09.2014

Vedtak

RS 48/14 Oversikt over ungdomsråd – oppdatert per 090914: Ungdommens fylkesutval er usikker på kor godt fadderordninga fungerer og ønskjer å evaluere både namn og praksis for ordninga på første rådsmøte etter Nettverkssamlinga 2014. Ungdommens fylkesutval vedtek derfor at UR+UFU=SANT vert satt opp som ein sak på neste rådsmøte.

RS 49/14 Oversikt over større saker til politisk behandling hausten 2014 – pr august: Ungdommens fylkesutval vedtek å følgje opp desse sakane slik:

- Cruisestrategi for Vestlandet (VR27/11): Be regionalavdelinga om ein kort skriftleg orientering om kva denne strategien handlar om og konsekvensane for målgruppa til utvalet.
- Takst- og rabattreglement inklusiv 1 sone gjennomføring: Sende følgjande uttale til fylkesutvalet: «Ungdommens fylkesutval har følgd denne saka med interesse og er i utgangspunktet særst positive til at det vert billigare å reise langt i Hordaland med kollektivtrafikken. I Ungdommens planprogram finn ein følgjande punkt: «*Hordaland fylkeskommune må arbeide for å gjere kollektivtransport meir attraktiv for ungdom.*». På bakgrunn av å gjere kollektivtilbodet meir attraktivt meiner Ungdommens fylkesutval at ein sone i Hordaland er eit tilbod som vil kunne oppnå nett dette.

Når det er sagt er Ungdommens fylkesutval uroa for auka i prisen til UngSkyss frå 310 kr til potensielt 350 kr. Utvalet er uroa for at ein slik auke vil kunne påverke sosiale skillar i ein negativ retning, samt at det kan innskrenke aktivitetstilbodet til ein gruppe som ikkje på eige hand kan velje andre transportmidlar. Ungdommens fylkesutval ønskjer derfor å oppmoda fylkesutvalet til å oppretthalde vedtaket sitt frå fylkestinget i juni om ein sone i kollektivtrafikken i Hordaland, men å sjå til at prisa for UngSkyss ikkje vert auka over noverande nivå.»

RS 51/14 Invitasjon til Skulestartkonferansen i regi av opplæringsavdelinga: Det vart tidlegare vedteke at Gard Johanson skulle delta på denne konferansen for å introdusere Elevrådshandboka. Dersom han ikkje kan delta vil Agnes Bernes stille i staden. Vegard Kleppe, leiar for Opplæring og helse, vil og delta. Administrasjonen skal be om at Ungdommens fylkesutval får nokre minuttar til å introdusere Elevrådshandboka på arrangementet.